

Ի յիօսասակ համազգային օճեր

Շուշի, 7 նոյեմբերի

Շուշում մի խումբ ձեռնհաս անձանց մէջ միտք է յղացել հայ տառերի գիւտի 1500-ամեակի և հայ տպագրութեան 400-ամեակի առիթով հրատարակել յօդուտ դպրոցական և գրական ֆօնդի մի ժողովածու «Սիւնիք» անունով: Հրատարակիչները նպատակն է յիշեալ աշխատութեան միջոցով հասարակութեանը տալ պատմական ու աշխարհագրական ամփոփ տեղեկութիւններ Ղարաբաղի անցեալ ու ներկայ կեանքից:

Ժողովածուի աշխատանքներին մասնակցելու են այն անձինք, որոնք ծագումով զարաբաղցի են, որպէսզի այս միջոցով նպաստեն տեղացի գրական ոյժերին մայրենի գրական ասպարէզը դուրս գալու:

Որովհետև գործին ձեռնարկողները միայն իրանք անկարող են հրատարակել այս ժողովածուն, ուստի և դիմում են երկրիս բոլոր տեղերում ապրող զարաբաղցիներին, որ նրանք ուշադրութիւն դարձնեն այս կուլտուրական գովելի գործի վրա և իրանց կարողութեան չափ աջակցեն վերոյիշեալ անձանց այդ հասարակօգուտ ցանկութիւնը իրագործելու՝ ուղարկելով իրանց աշխատութիւնները ժողովածուի մէջ մտցնելու և նիւթական օժանդակութիւն այդ աշխատութիւնը հրատարակելու համար:

Ստեփան Վարդանեան